

2010 Rhif 363 (Cy. 45)

BWYD, CYMRU

Rheoliadau Bwyd at Ddefnydd Maethol Neilltuol (Diwygiadau Amrywiol) (Cymru) 2010

NODYN ESBONIADOL

(Nid yw'r nodyn hwn yn rhan o'r Rheoliadau)

1. Mae'r Rheoliadau hyn, sy'n gymwys o ran Cymru, yn diwygio Rheoliadau Labelu Bwyd 1996 (O.S. 1996/1499, fel y'i diwygiwyd eisoes) a Rheoliadau Hysbysiadau o Farchnata Bwyd at Ddefnydd Maethol Neilltuol (Cymru) 2007 (O.S. 2007/1040 (Cy. 100)) er mwyn adlewyrchu diddymu ac amnewid Cyfarwyddeb y Cyngor 89/398/EC ar gyd-ddynesiad cyfreithiau'r Aelod-wladwriaethau sy'n ymwneud â deunyddiau bwyd a fwriedir at ddefnydd maethol neilltuol (OJ Rhif L186, 30.6.1989, t.27) gan Gyfarwyddeb 2009/39/EC Senedd Ewrop a'r Cyngor ar ddeunyddiau bwyd a fwriedir at ddefnydd maethol neilltuol (OJ Rhif L124, 20.5.2009, t.21).

2. Mae'r Rheoliadau hyn yn diwygio Rheoliadau Labelu Bwyd 1996 (sy'n rhychwantu Prydain Fawr i gyd), i'r graddau y maent yn gymwys o ran Cymru, drwy hepgor y diffiniad o "Directive 89/398" o reoliad 2(1) a mewnosod diffiniad o "Directive 2009/39" yn y ddarpariaeth honno, a rhoi cyfeiriad at "Directive 2009/39" yn lle cyfeiriad at "Directive 89/398" yn rheoliad 3(1)(iv) (*rheoliad 2*).

3. Mae'r Rheoliadau hyn yn diwygio Rheoliadau Hysbysiadau o Farchnata Bwyd at Ddefnydd Maethol Neilltuol (Cymru) 2007 drwy roi diffiniad diwygiedig o "y Gyfarwyddeb" yn lle'r diffiniad presennol o "y Gyfarwyddeb" yn rheoliad 2(1) fel bod y diffiniad yn cyfeirio at Gyfarwyddeb 2009/39/EC yn lle at Gyfarwyddeb 89/398/EEC a thrwy roi cyfeiriadau at ddarpariaethau penodol yng Nghyfarwyddeb 2009/39/EC yn lle'r cyfeiriadau presennol at ddarpariaethau penodol yng Nghyfarwyddeb 89/398/EEC yn rheoliadau 3 a 4 (*rheoliad 3*).

4. Nid oes asesiad effaith rheoleiddiol wedi ei baratoli ar gyfer yr offeryn hwn gan na ddisgwylir y

bydd rhoi'r Rheoliadau hyn ar waith yn gosod unrhyw gostau ar ddefnyddwyr, busnesau neu awdurdodau gorfodi.

2010 Rhif 363 (Cy. 45)

BWYD, CYMRU

Rheoliadau Bwyd at Ddefnydd Maethol Neilltuol (Diwygiadau Amrywiol) (Cymru) 2010

Gwnaed 17 Chwefror 2010

*Gosodwyd gerbron Cynulliad Cenedlaethol
Cymru* 19 Chwefror 2010

Yn dod i rym 15 Mawrth 2010

Mae Gweinidogion Cymru'n gwneud y Rheoliadau canlynol drwy arfer y pwerau a roddwyd gan adrannau 17(1), 26(1)(a) a 48(1) o Ddeddf Diogelwch Bwyd 1990(1), fel y'u darllenir gyda pharagraff 1A o Atodlen 2 i Ddeddf y Cymunedau Ewropeaidd 1972(2).

Mae'r Rheoliadau hyn yn gwneud darpariaeth at ddiben a grybwyllir yn adran 2(2) o Ddeddf y Cymunedau Ewropeaidd 1972 ac mae'n ymddangos i Weinidogion Cymru ei bod yn hwylus i gyfeiriadau penodol mewn offerynnau statudol penodedig at Gyfarwyddeb 2009/39 Senedd Ewrop a'r Cyngor ar ddeunyddiau bwyd a fwriedir at ddefnydd maethol neilltuol(3) gael eu dehongli fel cyfeiriadau at y Gyfarwyddeb honno fel y'i diwygir o bryd i'w gilydd.

Yn unol ag adran 48(4A) o Ddeddf Diogelwch Bwyd 1990, mae Gweinidogion Cymru wedi rhoi sylw i

-
- (1) 1990 p.16. Trosglwyddwyd swyddogaethau i'r graddau y maent yn arferadwy o ran Cymru i Gynulliad Cenedlaethol Cymru gan Orchymyn Cynulliad Cenedlaethol Cymru (Trosglwyddo Swyddogaethau) 1999 (O.S. 1999/672) fel y'i darllenir gydag adran 40(3) o Ddeddf Safonau Bwyd 1999 (1999 p.28) a throsglwyddwyd hwy wedi hynny i Weinidogion Cymru yn rhinwedd adran 162 o Ddeddf Llywodraeth Cymru 2006 (2006 p.32) a pharagraff 30 o Atodlen 11 iddi.
- (2) 1972 p.68. Mewnosodwyd paragraff 1A o Atodlen 2 gan adran 28 o Ddeddf Diwygio Deddfwriaethol a Rheoleiddiol 2006 (2006 p.51).
- (3) OJ Rhif L124, 20.5.2009, t.21.

gyngor perthnasol a roddwyd gan yr Asiantaeth Safonau Bwyd.

Fel y mae Erthygl 9 o Reoliad (EC) Rhif 178/2002 Senedd Ewrop a'r Cyngor sy'n gosod egwyddorion cyffredinol a gofynion cyfraith bwyd, sy'n sefydlu Awdurdod Diogelwch Bwyd Ewrop ac sy'n gosod gweithdrefnau o ran materion sy'n ymwneud â diogelwch bwyd(1) yn ei gwneud yn ofynnol, cafwyd ymgynghori agored a thryloyw â'r cyhoedd yn ystod cyfnod paratoi a gwerthuso'r Rheoliadau hyn.

Enwi, cymhwyso a chychwyn

1.—(1) Enw'r Rheoliadau hyn yw Rheoliadau Bwyd at Ddefnydd Maethol Neilltuol (Diwygiadau Amrywiol) (Cymru) 2010.

(2) Mae'r Rheoliadau hyn yn gymwys o ran Cymru a deuant i rym ar 15 Mawrth 2010.

Diwygio Rheoliadau Labelu Bwyd 1996

2.—(1) Diwygir Rheoliadau Labelu Bwyd 1996(2) yn unol â'r paragraffau canlynol i'r graddau y maent yn gymwys i Gymru.

(2) Ym mharagraff (1) o reoliad 2 (dehongli)—

- (a) hepgorer y diffiniad o "Directive 89/398"(3);
- (b) yn syth ar ôl y diffiniad o "Directive 2000/13" mewnosoder y diffiniad canlynol—

““Directive 2009/39” means Directive 2009/39/EC of the European Parliament and of the Council on foodstuffs intended for particular nutritional uses(4) as amended from time to time;”.

(3) Yn rheoliad 3 (esemptiadau), yn lle is-baragraff (iv) o baragraff (1) rhodder yr is-baragraff canlynol—

“(iv) where applicable, the requirements of Directive 87/250, Directive

(1) OJ Rhif L31, 1.2.2002, t.1, fel y'i diwygiwyd ddiwethaf gan Reoliad (EC) Rhif 596/2009 Senedd Ewrop a'r Cyngor sy'n addasu nifer o offerynnau'n ddarostyngedig i'r weithdrefn y cyfeirir ati yn Erthygl 251 o'r Cytuniad i Benderfyniad y Cyngor 1999/468/EC o ran y weithdrefn reoleiddio ynghyd â chraffu – Rhan Pedwar (OJ Rhif L188, 18.7.2009, t.14).

(2) O.S. 1996/1499, a ddiwygiwyd gan O.S. 1998/1398, O.S. 1999/747, O.S. 2001/1232 (Cy.66), O.S. 2001/1440 (Cy.102), O.S. 2003/832 (Cy.104), O.S. 2004/249 (Cy.26), O.S. 2004/1396 (Cy.141), O.S. 2004/2558 (Cy.229), O.S. 2004/3022 (Cy.261), O.S. 2005/1309 (Cy.91), O.S. 2007/2611 (Cy.222), O.S. 2008/1268 (Cy.128) ac O.S. 2009/2705 (Cy.224); mae offerynnau diwygio eraill i'w cael, ond nid oes yr un ohonynt yn berthnasol.

(3) Cyfarwyddeb y Cyngor 89/398/EEC ar gyd-ddynesiad cyfreithiau'r Aelod-wladwriaethau sy'n ymwneud â deunyddiau bwyd a fwriedir at ddefnydd maethol neilltuol (OJ Rhif L186, 30.6.1989, t.27).

(4) OJ Rhif L124, 20.5.2009, t.21.

90/496, Directive 94/54, Directive 99/2 and Directive 2009/39 are met in respect of that food.”.

Diwygio Rheoliadau Hysbysiadau o Farchnata Bwyd at Ddefnydd Maethol Neilltuol (Cymru) 2007

3.—(1) Diwygir Rheoliadau Hysbysiadau o Farchnata Bwyd at Ddefnydd Maethol Neilltuol (Cymru) 2007(1) yn unol â'r paragraffau a ganlyn.

(2) Ym mharagraff (1) o reoliad 2 (dehongli), yn lle'r diffiniad o “y Gyfarwyddeb” (“*the Directive*”) rhodder y diffiniad canlynol—

“ystyr “y Gyfarwyddeb” (“*the Directive*”) yw Cyfarwyddeb 2009/39 Senedd Ewrop a'r Cyngor ar ddeunyddiau bwyd a fwriedir at ddefnydd maethol neilltuol, fel y'i diwygir o bryd i'w gilydd;”.

(3) Yn rheoliad 3 (cyfyngiad ar werthu)—

(a) yn lle paragraff (1) rhodder y paragraff canlynol—

“(1) Ni chaiff neb, mewn perthynas â chynnyrch bwyd DMN o fath neilltuol—

(a) sydd yn weithgynhyrchydd neu'n fewnforiwr y cyfeirir ato yn Erthygl 11 o'r Gyfarwyddeb, ond

(b) sydd wedi methu â chydymffurfio—

(i) â gofyniad i hysbysu'r awdurdod cymwys, fel y cyfeirir ato yn is-baragraff (a) neu (b) o baragraff (1) o'r Erthygl honno, neu

(ii) â gofyniad i ddangos unrhyw beth i'r awdurdod cymwys, fel y cyfeirir ato yn is-baragraff (c) o baragraff (1) o'r Erthygl honno,

werthu cynnyrch bwyd DMN o'r math hwnnw.”; a

(b) yn is-baragraff (b) o baragraff (2) yn lle “Erthygl 9” rhodder “Erthygl 11”.

(4) Ym mharagraff (1) o reoliad 4 (datganiad), yn lle “Erthygl 1(2)” rhodder “Erthygl 1(2) a (3)”.

(1) O.S. 2007/1040 (Cy.100).

Gwenda Thomas

Y Dirprwy Weinidog dros Wasanaethau Cymdeithasol
o dan awdurdod y Gweinidog dros Iechyd a
Gwasanaethau Cymdeithasol, un o Weinidogion
Cymru.

17 Chwefror 2010